

Иеус Крестослӧн чужан

1 Сійӧ кадӧ Римын ыджыдалысь Август оксы тшӧктіс гижавны-артавы ас му пасьталасьыс йӧзсӧ нимъяснаныс. 2 Сириаын Кыреней ыджыдалан кадӧ татшӧм гижалӧмыс медводдза вӧлӧма. 3 Та могысь ставныс мунісны гижасьны, быдӧн ас чужан карас. 4-5 Ӧсип вӧлі Давид чужанвужйысь. Та вӧсна сійӧ муніс Галилей муыв Назарет карысь Юдей муӧ, Бетлем нима Давид карӧ гижсьыны. Ӧсипкӧд вӧлі нӧбасьысь, сыкӧд кикутӧма Марья. 6 Бетлемӧ воисны. Буретш Марьяӧс чужтан кадыс суис. 7 Сійӧ чужтіс писӧ, ассьыс медводдза кагасӧ. Рузумӧ сійӧс гартӧмӧн пунктіс лясніӧ, туйморт керкаысь налы оланіныс абу сюрӧма да. 8 Матігӧгӧрас пемӧс видзысьяс войнас вӧлӧм йирсьӧдӧны ыжъяснысӧ видз вылын. 9 На водзӧ тӧдлытӧг сувтіс Ыджыдлӧн андел, Ыджыдсянь югӧрыс югдӧдіс матігӧгӧрсӧ. Пемӧс видзысьяс повзьӧмӧн-повзисны. 10 Андел шуис налы: «Энӧ полӧй! Ме тіянлы ыджыд нимкодътор юӧрта, став войтырлы нимкодъ таысь. 11 Талун Давид карын чужис тіянӧс Мездысь — Крестос Ыджыдным. 12 Тіянлы сета пас: лясныысь ті аддзанныд рузумӧ гартыштӧм кагаӧс». 13 Тӧдлытӧг пемӧс видзысьяс аддзисны енэжысь андел гӧгӧр уна котыра тышка вын. Найӧ ошкисны Енмӧс, шуалісны: 14 «Ошкам Енмӧс, вылынсьыс-вылын олысьӧс! Му вылын лӧня олӧм, йӧз костын бур кӧсйӧм!» 15 Та бӧрын анделъяс бӧр кайисны енэжӧ. Пемӧс видзысьяс мӧда-мӧдыслы шуалісны: «Ветлам Бетлем карас, видзӧдлам Ыджыднымсянь миянлы юӧртӧмторсӧ». 16 Дзик пыр найӧ сэтчӧ мунісны, Марьясӧ, Ӧсипсӧ, лясныысь куйлысь кагасӧ аддзисны. 17 Аддзӧм бӧраныс юӧртісны налы кага йывсьыс кывлӧмторсӧ. 18 Быд кывзысьӧс шензьӧдіс пемӧс видзысьяслӧн висьталӧмыс. 19 Тайӧ юӧртӧмысь быд кыв Марьялы сьӧлӧмас

йиджис. Сійӧ пыр кутіс тайӧ кывъяссӧ тӧд вылас. 20 Кывлӧм-
аддзылӧмысь Енмӧс ошкӧмӧн пемӧс видзысьяс бӧр мунісны.
Быдтор артмӧма андел висьталӧм ног.